

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Secunda Secundæ Et Tertia Pars Divi Thomæ Complectitvr -
Qvæstiones Insper Ad Mores, & praxim spectantes, maximè circa
Sacramenta, accuratè declarantur

Carleton, Thomas Compton

Leodii, 1664

Sect. II. Resolvitur quæstio circa essentialem veritatem actus Fidei.

urn:nbn:de:hbz:466:1-13826

Disp. X. De veritate actus Fidei. Sect. II.

TOM. II.

*non confi-
ratur actus
Fidei essen-
tialiter ve-
rus.*

verum. Est contra P. Arriagam hic, Disp. 4. Seçt. 5. num. 72. & alios, qui actum omnem supernaturalem, ipso facto quod supernaturalis sit, dicunt debere necessariò esse verum, tum ob excellentem ejus perfectionem, tum quia quicquid est supernaturale Deum exigit ut causam peculiarem. Sed contra: Nam ut precedente tomo, Disp. 92. Seçt. 4. cum communī ferē Theologorum sententiā ostendi, actus supernaturales morales, imo ipse etiam actus amoris Dei potest extrinsecē, saltem venialiter vitiare, & reddi de malis, & tamen actus amoris Dei assensum Fidei multis gradibus in perfectione antecedit, major enim horum est charitas, ergo sola supernaturalitas non obstat, quo minus Fidei actus possit esse falsus.

*VII.
Quod actus
supernatu-
ralis exigit
peculiariter
Deum, non
sequitur
cum esse es-
sentialiter
verum.*

Ad id quod additur, actum supernaturalē exigere Deum ut causam specialem, dico non minus actus morales supernaturales, & actum amoris Dei idem exigere, ergo hoc titulo non magis est actus Fidei essentialiter verus, quam actus charitatis essentialiter bonus. Respondeatur itaque Deum, quemadmodum ut est auctor naturae haber duplē concursū naturalem, universalem scilicet & specialem, ita ut est auctor gratiæ, duplē similiiter habet concursū supernaturalem, universalem nimirum & specialem. Ut ergo res aliqua præcisè sit supernaturalis, sufficit quod concursū illum universalem supernaturalē exigat, in hoc enim ab omni re naturali sufficienter distinguitur, cùm res nulla naturalis concursū hunc universalem supernaturalem requirat: ergo ex eo præcisè quod actus Fidei exigat concursū hunc Dei extraordinarium seu supernaturalē physicum, non sequitur cum esse essentialiter verum magis quam actus supernaturales voluntatis essentialiter bonos. Quod si dicas actum Fidei specialem illum concursū moralem supernaturalē exigere, & propterea esse essentialiter verum, contra, ergo non ratione supernaturalitatis præcisè hoc habet, sed talis supernaturalitatis, & de hac qualis sit inquirimus.

SECTIO SECUNDA.

Resolvitur questio circa essentialē veritatem actus Fidei.

*I.
Actus Fidei
Theologica
est essen-
tialiter verus.*

*Concilium
Tridentinum.*

*II.
Ostenditur
Fidem Theo-
logicam non
posse esse fal-
sum.*

OMNIBUS consideratis probabilius longè mihi videtur actum Fidei Theologica esse essentialiter verum, nec in illis circumstantiis posse, etiam de potentia absoluta esse falsum: ita auctores Sectione precedente, num. 3. citati, etiè expressa sententia D. Thoma hic, q. 1. art. 3. Videaturque claramens Concilii Tridentini Sess. 6. cap. 9. ubi sic habet: *Cum nullus seire valeat certitudine Fidei, cui non potest subesse falsum, se gratiam Dei concessum esse:* ubi cùm indiscriminatio loquatur Concilium, videatur in omnibus circumstantiis intelligendum, & in ordine ad potentiam absolutam.

Ratio Conclusionis ex ipsa natura Fidei Theologica desumitur, quæ in hoc sita est, ut quis credit Deo loquenti, seu quia Deus id testatus est, ergo actū Fidei Theologica non possum quidquam credere nisi quod Deus verè locutus est, seu revelavit, implicat namque ut ego cuiquam aliquid dicenti credam, si is illud non dicat. In hoc ergo casu, quando nimirum aliquid

proponitur ut dictum à Deo, quod tamen verè Deus non dixit, etiè cui proponitur putet se credere Deo, re tamen verà ei non credit, sicque assensus ille non est verè assensus Fidei Theologica, sed tantum talis esse existimatur.

Confirmatur, & magis explicatur hæc ratio: *III.
Essentia actus Fidei, ut dixi, est, ut quis credat
alicui rem aliquam dicenti, ergo essentia talis
actus Fidei est, ut credat tali dicenti. Unde,
ut rectè hac de re P. Coninek, si dum Petrus
mihi aliquid dicit, ego existimare eum esse Paulum,
qui summa apud me est auctoritatis, idèo-
que firmiter rei illi adhæreo, quod non facerem
si scirem eum qui loquitur esse Petrum, quinon
tanta est auctoritatis, quantumvis in hoc casu
putem me credere Paulo, re ipsa tamen non Paul
eo crido, sed Petro, cùm, ut dixi, impossibile
sit ut ei credam, qui nihil dicit, credere enim
secundum omnes est alius dicitis fidem adhi-
bere, quo pacto ergo illius dicitis fidem adhi-
bebo, cujus nulla sunt dicta? Firmius quidem
dicitis Petri adhæreo quia existimo ea esse Pauli,
non Paulo, credit, sed huic tamen simpliciter non credo, sed illi. Sicut Petru
ergo hic, Fides est Petrina, ut ita dicam, non
Paulina, quamvis ita ab elicente existimetur,
codem modo in praesenti, cùm Deus verè non
loquatur, non potest assensus esse Theologicus,
quamvis talis ab eo, qui assensum elicit, pute-
tur. Hanc conclusionis bujus rationem existimo
eam esse, quam tradit S. Thomas 2. 2. q. 1.
art. 3. Corpore.*

Dices cum P. Arriaga hic, Disp. 4. Seçt. 5. *IV.
num. 70. Fidem non à revelatione, seu dictio-
ne Dei, sed ab ejus veritate dici Theologi-
cam, veracitas autem semper existit. Distinguo
minorem, existit applicata, nego minorem,
non applicata, concedo; non enim ad actum
Fidei divinæ circa rem aliquam eliciendum suffi-
cit veritatē Dei existere, alioqui tam posset
quis Fidei divinæ credere Romulum occidisse Re-
num, ac Cainum occidisse Abelem, cùm sem-
per existat veracitas Dei, ergo ulterius requiri-
tur ut objecto applicetur, ut nimirum Deus rem
illam dicat seu revelet, sive revelatio sit partiale
objectum formale actus Fidei, ut eam esse dixi-
mus suprà, Disp. 4. seçt. 3. sive tantum conditio.
Unde si quis existimat aliquid esse dictum à Deo,
quod tamen revera non est ab eo dictum, illud
credat, non est verè actus Fidei, sed tantum ex-
istimatus, quia, ut sibi dixi, implicat ut quis
verè credat alicui circa rem aliquam, qui ei nihil
dicit.*

*V.
Actus Fidei
verè Theo-
logica quid
requirat.*

Ex his spernè constat actum qui est verè Fides Theologica, non posse esse falsum, cùm essentialiter petat veram revelationem seu dictiōnem, & ut Deus verè loquatur, non tantum apparen-ter, tunc enim non erit verè actus Fidei Theologica, sed solum apparet. Unde ut mentem meam ulterius declarem, existimo hos duos actus, quorum unus tendit in dictiōnem seu revelatiōnem apparet, alter in veram, sive specie distinctis, & hunc ut eliciatur pendere essentialiter à verā Dei dictione, vel tanquam à ratione formalī, vel tanquam à conditione.

Dices: Implicat ut detur hujus modi depen-
dētia à rebus tanquam à conditionib⁹ extrin-
scis, sic enim uniusquisque dicere quidvis posset,
ac philosophari pro libito, & ubi argumento ali-
quo premitur, ad conditionem extrinsecam tan-
quam ad asylum configere. At sanè ut conditio-
nes extrinsecas non paucim ac temerè admittendas
existimo,